



Broj: KSI-09-12/26

Datum: 23.01.2026. godine

Na osnovu člana 52. stav (3) Zakona o upravnom postupku Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 48/11, 21/18 i 23/19) i člana 36. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), a postupajući po anonimnoj prijavi proslijeđene od strane Odjeljenja za stručne i administrativne poslove dana 15.12.2025. godine, za ispitivanje postojanja sukoba interesa, Komisija za odlučivanje o sukobu interesa na 143. sjednici održanoj dana 23.01.2026. godine donosi

Z A K L J U Č A K

Odbacuje se anonimna prijava za utvrđivanje sukoba interesa proslijeđena Komisiji za odlučivanje o sukobu interesa od strane Odjeljenja za stručne i administrativne poslove protiv S.Đ. i A.Š., članova Upravnog odbora mjesne zajednice Lipovac zbog nenadležnosti.

Образложење

Dana 15.12.2026. godine Komisiji za odlučivanje o sukobu interesa od strane Odjeljenja za stručne i administrativne poslove proslijeđena je anonimna prijava za ispitivanje postojanja sukoba interesa protiv S.Đ. i A.Š., članova Upravnog odbora mjesne zajednice Lipovac, zbog eventualnog postojanja sukoba interesa.

Članom 2. stav 1. tačka c) Zakona o sprečavanju sukoba interesa u institucijama Brčko distrikta Bosne i Hercegovine (u daljem tekstu: Zakon) propisano je ko su nosioci javnih funkcija, a članom 1. Zakona propisan je predmet Zakona, odnosno obaveze, prava i odgovornosti isključivo nosilaca javnih funkcija, kao i da je Komisija za odlučivanje o sukobu interesa nadležna za sprovođenje Zakona.

Obzirom na to da S.Đ. i A.Š., nemaju status nosioca javne funkcije, odnosno nisu izabrana ili imenovana lica u organima ili institucijama Brčko distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i nisu lica koje je imenovao, odnosno na čiji izbor ili imenovanje saglasnost daje Skupština, odnosno Vlada, Komisija za odlučivanje o sukobu interesa nije nadležna za odlučivanje u ovom slučaju jer lica protiv kojih je prijava podnesena nisu nosioci javne funkcije.

Članom 52. stav (4) Zakona o upravnom postupku Brčko distrikta Bosne i Hercegovine propisano je da ako organ koji je dobio podnesak ne može da utvrdi koji je organ nadležan za rad po podnesku, donijeće bez odlaganja Zaključak kojim će odbaciti podnesak zbog nenadležnosti i Zaključak će odmah dostaviti stranci.

Kako za prijem ovog podneska nije nadležna Komisija, to je shodno članu 52. stav (4) Zakona o upravnom postupku Brčko distrikta Bosne i Hercegovine, odlučeno kao u izreci ovog Zaključka.

Pouka o pravnom lijeku:

Protiv ovog zaključka nije dozvoljena žalba, ali stranka može pokrenuti upravni spor tužbom kod Osnovnog suda Brčko distrikta BiH, u roku od 30 dana od prijema ovog Zaključka.

Predsjednik
Komisije za odlučivanje o sukobu interesa

Admira Mujić, dipl. pravnik